



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

§. 10. De Ritu Ambrosiano.

**urn:nbn:de:hbz:466:1-10805**

*Confitemini* omittunt ad primam, & pro eo substituunt Psalmum *Dominus regnavit*. Hoc excepto in Psalmorum distributione convenienter omnino cum Romanis: Porro singula Officia à Lugdunensibus sic ordinantur.

2. Nocturnis præmittunt Orationem Dominicam solam, deinde dicunt Versum *Sancti Spiritus ad fit nobis gratia*, tum *Domine labia mea aperies*, *Deus in adiutorium, Gloria Patri*, & Invitatorium. Immediate post Invitatorium dicuntur Psalmi, nam Hymnis carent omnia Officia excepto Completorio. In numero, & ritu lectionum non discrepant à Romanis. Post ultimum responsorium concinunt *Te Deum laudamus* cum Antiphona, & *Gloria Patri* ad instar Psalmi: sequitur Versus, quo dicto incipiunt Laudes, post sal. Laudum dicto Capitulo, & Versu sequitur Canticum, omisso Hymno, tum collecta diei, *Benedic Domino*, & finis. Prima, Tertia, Sexta, & Nona convenienter cum Romanis, si Hymnos demas, & parva Responsoria post Capitulum. Id quoque notandum, quod ante Horas Orationem Dominicam solam recitant, & post singulas legunt Psalmum *De profundis* cum collecta pro defunctis. Antiphonam de B. Virgine, quâ Romani terminant horas, hi nonnisi post Nonam & Completorium concinunt. Vesperas incipiunt quemadmodum & alias horas, tum dictis Psalmis & Versu, Canticum Deiparae modulanter. In quibusdam solemnitatibus Antiphonam Cantici septies repentunt, & Versibus ipsius Cantici intermissione. Dicunt postea Collectam more solito, & sic finiuntur Vesperæ. Completorio nullam præmittunt lectionem, sed dicta Oratione Dominicâ, dictisque Versibus: *Converte nos Deus*, & *Deus in adiutorium eodem* Psalmos concinunt, quos Romani. Sequitur Hymnus, quem singulis feriis, & festis mutant: statim verò post Hymnum dicitur Versus, omisso Capitulo, tum Canticum Simeonis, postea preces, Oratio, & Benedictio: deinde Psalmus *De profundis*, ac tandem Antiphona conveniens de B. Virgine. Certis diebus ad Laudes & Vespertas, itemque ad reliquas horas preces habent, Litanias, & Processiones, ac peculiares quosdam ritus, quos brevitatis gratia prætermitto. Ecclesia ista novitates nescit, & tam in cantu, quam in ceremoniis, & aliis functionibus Ecclesiasticis antiquitas tenacissima est, de qua re sic laudatur à D. Ber-

nardo: Inter Ecclesias Gallæ conflat profecto Lugdunensem hactenus præminuisse sicut dignitate sedis, sic honestis studiis, & laudabilibus institutis. Ubi enim æquè viguit disciplinae censura, morum gravitas, maturitas consiliorum, auctoritatis pondus, antiquitatis infigne. Præsertim in Officiis Ecclesiasticis haud facile unquam repentinis viâ est novitatis acquiescere, nec se aliquando juvenili passa est decolorari levitate Ecclesia plena judicij.

t Bernardus Epistola 174.

## §. X.

### De ritu Ambrosiano.

1. **M** Ediolanensis Ecclesiæ ritus à D. Ambroso ejus civitatis Archiepiscopo Ambrosiani dicuntur, non quod ipse institutor eorum fuerit, ut multorum opinio est, sed quia illos auctoritate suâ, & eximiâ sanctitate plurimum nobilitavit. Dici autem Ambrosiani coeperunt paulo post ejus decepsum, ut obseruat doctissimus vir Joannes Vicecomes l. 2. de ritibus Missæ cap. 12. qui afferit eam Ecclesiæ Missæ ordinare à S. Barnaba Apostolo, psallendi verò Regulam à S. Mirocle Archiepiscopo accepisse. Psalterium dividunt Ambrosiani in duas partes, primam à Psalmo primo ad 109. *Dixit Dominus nocturnis Vigiliis*, secundam usque ad finem diurnis horis affignant. In hujus secundæ partis distributione sequuntur omnino Romanam Ecclesiam. At prima pars in duas Hebdomadas divisa decem continet decurias, ut vocant, singulique noctibus una decuria persolvitur, hoc modo. Prima decuria psalmos sexdecim continet à primo usque ad 16. & psallitur feria secunda prioris Hebdomadæ. Secunda decuria incipit à Psalm. 17. *Diligam te Domine*: habetque Psalmos quatuordecim, & expletur feria tertia. Aliæ decuriae Psalmis decem constant, exceptâ ultimâ, quæ octo Psalmorum est. Decuria itaque tertia pro feria quarta incipit à *Psalmo 31. Beati quorum*. Quarta pro feria quinta à *Psalm. 41. Quemadmodum desiderat*. Quinta pro feria sexta à *Psalm. 51. Quid gloriari*. Sexta pro feria secunda alterius Hebdomadæ à *Pf. 61. Nonne Deo*. Septima pro feria tertia à *Pf. 71. Deus in iudicium tuum*, & sic deinceps. Sabbatis, & Dominicis diebus, & in solemnitatibus Domini certis

X XXXX 2

Can-

Canticis nocturnas preces persolvunt. In feriis autem, & quibuslibet aliis sanctorum festivitatibus superscriptas decurias non mutant. Ab hac tamen Regula excipiuntur sex feriae ante Nativitatem Domini, quas vocant de expectato, & sex item feriae majoris Hebdomadae in quibus psalmis utuntur peculiaribus. Porro Psalterii versionem propriam habent similem ei, quâ Romæ utuntur Canonici S. Petri in Vaticano.

2. Ad Nocturnos post Pater & Ave dicitur Versus Deus in adjutorium: sequitur Hymnus semper idem, Aeternae rerum conditor, mox additur Responsum, deinde Canticum trium puerorum cum Antiphona, & ter Kyrie eleison. Postea cum Antiphonis dicuntur Cantica vel Psalmi pro exigentia diei vel temporis: quibus dictis leguntur tres lectiones cum suis benedictionibus ferè semper propriis. Diebus Dominicis lectiones sunt de Homilia in Evangelium, in feriis de scriptura, in festis tertia est de vita Sancti, vel de sermonis festivitatis. Excipiuntur ab hoc ordinari Nativitas Domini, Epiphania, quibus diebus dicuntur tres Nocturni, & novem Lectiones. Feria item sexta Parasceve leguntur sex Lectiones sed tres ultimae sunt integrae Passiones secundum Marcum, secundum Lucam, secundum Joannem: Passio vero secundum Matthæum Missæ reservatur. Post duas priores Lectiones duo sequuntur Responsoria: post ultimam dicitur Te Deum laudamus, si tempus requirat, vel nihil additur.

Laudes absolute inchoantur à Versu Deus in adjutorium: sequitur Canticum Zacharia, pro quo in Dominicis Adventus, in Nativitate Domini, Circumcisione, & Epiphania dicitur Canticum Moysis Audite cœli cum Antiphona, & ter Kyrie eleison. Tum in Dominicis, & sanctorum solemnitatibus dicitur quinque, vel etiam septies repetita Antiphona ad sanctam Crucem, additâ quadam Oratione secreta. Mox alterum Moysis Cantemus Domino cum sua Antiphona, & ter Kyrie eleison, aliaque Oratione secreta. Deinceps Canticum trium puerorum Benedicte omnia opera (illud enim quod dicitur ad Nocturnos incipit Benedictus e Domine Deus Pax noster) cuius loco Sabbato dicitur Psal. 117. Confitemini, & in aliis feriis Psalm. 50. Misericordia cum Antiphona, & ter Kyrie eleison. Additur Oratio clara vox, quâ finita sub uno Gloria Patri quatuor

Psalmi recitantur Laudate Dominum de cœlis, cum duobus sequentibus, & Laudate Dominum omnes gentes. Finitis Psalmis dicitur Capitulum, tum Antiphona cum tribus Kyrie eleison. Dominus vobiscum, & Psalmus directus, qui simul ab utroque choro cantatur. Postea Hymnus pro qualitate Officii diversus: & duodecies Kyrie eleison cum Dominus vobiscum: & dicitur psallenda una in festis Sanctorum, in Dominicis duplex. Est autem psallenda Antiphona quædam repetita cum Gloria Patri additis quibusdam Veribus, & ter Kyrie eleison cum Oratione. In feriis loco psallenda dicitur quoddam Responsorium, quod vocatur in baptisterio. Quibus absolutis finiuntur Laudes, nisi facienda sit aliqua commemoratione, quæ fieri solet per psallendam illius diei vel offici, de quo sit commemoratione. Quotidie autem, quando Officium non est solemne, fit commemoratione de B. Virgine, de S. Ambroso, & de Patrone Ecclesie.

Ad Primam post Pater, & Ave, & Deus in adjutorium dicitur Hymnus Jam lucis orto fidere: Tum Psalmi Deus in nomine tuo, Beati, & Retribue sine Antiphona: quibus finitis dicitur Alleluia, & in Quadragesima Laus tibi Domine, Rex æterna glorie. Sequitur epistola, ut vocant, cum Responso brevi, cui statim quotidie subditur Symbolum Athanasii: postea Capitulum cum precibus, quæ tamen omittuntur in quibusdam solemnitatibus. Additur tres Orationes eadem semper. Tum legitur Martyrologium, post quod dicitur Versus Exultabim sancti in gloria cum oratiuncula, & sic finitur Prima.

Tertia, Sexta, & Nona iisdem Hymnis & Psalmis explentur, quibus utitur Romana Ecclesia. Psalmi tamen dicuntur sine Antiphona, in quorum fine dicitur Alleluia, vel Laus tibi Domine sequitur epistola cum Responso brevi, tum preces, si dicendæ sint, postea Oratio, & sic terminantur Horæ. In solemnitatibus, & Dominicis diebus cantatur Hymnus ad Tertiam, qui incipit: Jam surgit hora tertia.

Vesperæ post Pater & Ave incipiunt absolute à Salutatione Dominus vobiscum, deinde cantatur Lucernarium, id est Responsorium quoddam ter repetitum diversum secundum Officii diversitatem. Dicitur iterum Dominus vobiscum, postea Antiphona, mox tertio Dominus vobiscum, tum Hymnus conveniens. Post

Hym-



Hymnum quartò *Dominus vobiscum*, & Responsorium, quo finito adhuc repetitur *Dominus vobiscum*. Sequuntur quinque Psalmi cum suis Antiphonis idem videficit, quibus uritur Romana Ecclesia. Verùm in solemnitatibus Domini sub una Antiphona, & uno *Gloria Patri* unus Psalmus dicitur diversus pro diversitate Officii, cui semper adjungi solent Psalmi *Ecce nunc benedicte Dominum*, & *Laudata dominum omnes gentes*. In festis sanctorum post primam Orationem dicitur alter Psalmus diversus pro varietate Officii, seu festivitatis. Abfolitus Psalmis cum Antiphonis dicitur ter *Kyrie eleison*, *Dominus vobiscum*, & Oratio convenientis Officio. Postea *Dominus vobiscum*, & *Magnificat* præmissâ Antiphonâ. Finito Cantico iteratur primus ejusdem Versus, & repetitâ Antiphonâ dicitur *Kyrie eleison*, & alia Oratio. Deinde psallenda, & alia, sicut in Landibus recitantur. In feriis Quadragesimæ non dicitur *Magnificat*, sed duodecies *Kyrie eleison*. Habant Ambrosiani quasdam Vesperas de sanctis Patronis, & Titularibus Ecclesiærum, quæ dicuntur cum Vigiliis, in quibus post primam Orationem dicitur primus Psalmus, tum legitur una lectio de vita illius Sancti cum suo Responsorio, & post aliam Orationem dicto secundo Psalmo legitur alia lectio cum suo item Responsorio. Denique dicto Cantico *Magnificat* cum psallendis cantantur Litanie cum quibusdam Orationibus.

Ad Completorium præmissis *Pater*, *Ave*, *Converte nos*, & *Deus in adjutorium*, dicitur quotidie Hymnus *Tel lucis ante terminum*, excepta Quadragesimâ, in qua dicitur Hymnus *Christe qui lux es & dies*. Tum sine Antiphona dieuntur Psalmi *Cum invocarem*, *In te Domine*, *Qui habitat*: & sub uno *Gloria Patri*, *Ecce quam bonum*, *Ecce nunc benedicte Dominum*, & *Laudate Dominum omnes gentes*: quibus finitis dicitur *Alleluia*, vel *Laus tibi Domine Rex eterne glorie*. Tum in Quadragesima Hymnus *Tel lucis ante terminum*, alio tempore statim subditur Epistola cum suo Responsorio brevi, deinde Canticum *Nunc dimittis* cum precibus, si dicende sint; Additur Antiphona B. Virginis cum sua Oratione. Tandem fit confessio communis, & sic finitur Completorium.

## S. XI.

## De ritu Mozarabico.

1. Cum Hispania bene omnis Arabum inundatione tabesceret, Christiani inter barbarorum pressuras degentes dicti sunt Mozarabes, sive Mixtarabes, id est mixti cum Arabibus, quare & officium eorum Mozarabicum & Mixtum appellatum est. Hujus ritus institutores fuerunt sancti viri Leander, & Isidorus Hispalenses Episcopi, solius tamen Isidori nomen retinuit, quem folum ejus auctorem agnoscit Baronius <sup>u</sup>. Sic inscribi solet, Officium Gothicum, sive Mixtum secundum Regulam B. Isidori. Ex decreto quarti Toletani Concilii omnes Hispaniarum Ecclesiae hoc olim utebantur, sed regnante Alphonso VI. mutatum fuisse dicitur iussu Gregorii VII. Romani Pontificis, cujus ob hanc causam cum Regibus Hispaniarum contentiones narrat Baronius <sup>v</sup>. Extant de hac re ejusdem Gregorii, Epistolæ Alphonso, & Sancto Regibus, & Episcopis Hispaniarum à paribus scriptæ Indictione duodecima anno scilicet 1074. Tametsi officium istud à viris sanctis, & orthodoxis compositum fuisset, Hispaniā tamen ab infidelibus devasta multe errores in illud irreperserant, ut ex Albino Flacco constat lib. 1. adversus Elipantum Episcopum Toletanum, qui ex iisdem Officiis depravatis multa assunit testimonia ad suam hæresim atrauendam. Nunc tam Missale quam Breviarium hujus ritus correcta sunt, & juxta sensum Catholicum emendata iussu Francisci Ximenez Archiepiscopi Toletani, qui explosis Gothicis characteribus, Latinis ea conscribi, ac typis mandari curavit: tum Sacerdotes instituit, qui juxta hunc ritum Deo laudes, & sacrificium offerent. Adhuc viget hoc Officium, & servatur Toleti in quinque Paroecis, & in facello ejusdem Francisci Ximenez, itemque Salamantice in facello Doctoris Talabrensis, quod est in claustro m̄itoris Ecclesiae. Plura de hoc ritu Etherius, & Beatus Scriptores antiqui, & graves lib. 1. adversus præfatum Elipantum. Difcrepat fere in omnibus ab usibus aliarum Ecclesiarum.

XXXXX 3

2. Om-

<sup>u</sup> Baron. an. 633. num. 70. <sup>x</sup> Idem. an. 1074.  
<sup>v</sup> 1080. y Greg. VII. libro 1. Epist. 64. cō 83.